

容

齋

詩

集

容公詩集卷四

樂與集

闕逢活灘

綿上茹綸常文靜

孫晉源先生旣宦游秋稼復物故一時騷壇
殊爲減色甲申歲董帷園刺史首修樂與社
事與者王君田夫任君西郊張君蘭谷魏君
書巢暨余六人而已女爲紀于二王子及文
望林亦時或一至撚髭刻燭素心晨夕信樂
事也因卽以樂與名吾集

春雪篇

天光澹澹雲模糊雪花如掌當春初龍公試手驚落屑塵埃一掃歸清虛春蟲歷亂曉寒重開門晃朗疑冰壺回颺勢急霜松折撲窓紙響鳴桑枯昨歲一冬恒燠若未見三白堪憂虞且喜豐年今已兆竹葉新釀無須沽城中米價詎云貴麥飯聊足供山厨空齋岑寂亦清絕百城南面閑繙書此時料應無客至未嫌積素橫堵除乘興不訪剡溪戴禁體還效眉山蘇更欲明朝覓畫手寫作南山霽

雪圖

人日

獻歲逢人日愁懷及早春雪光方灑溝梅意正橫
陳泡幻驚斯世書淫笑此身草堂詩可寄雅調復
誰倫

夜來

夜來雪未霽侵曉滿南山濁酒自斟酌空齋誰往
還春風飛絮急人意落梅閒忍有剡溪棹呼童一
啓闢

春日卽事簡西郊

開軒斂春風道書行未舍徙倚望南山頽陽已西
不鳴琴在竹林昏籞出蘭若永懷塵外踪詎謂知

音寡君固清蕩人我亦悠悠者銜杯樂聖賢抗言
論風雅平生學古心誰能羨車馬

大廩

春陽煦南榮曝背未能舍庭樹鳥嚙嚙飛鳴時
上下感懷念同聲古調工賀若忽在金玉投翻
憐酬接寡我琴久已囊爾音疇知者百衲七條
絲徒然以南雅有意當抱來寧惜夙爲馬

前韻再簡西郊

朱絃聆疏越泠泠不能舍遂令箏笛聲一切出其
下清風被幽篁微言含絕若伊余下里曲寧敢稱

和寡駕言適仙源還爲問津者相期楊旌旄力與
追正雅不辭疲乏兵重當新羈馬

花朝前一日書懷

觸忤愁腸日幾回年光荏苒劇生哀春風院宇梅
初落芳草池塘燕欲來棲隱寧能逢石髓行空別
許羨龍媒明朝又說花朝是打疊閒情付酒杯

壽張廣文母八十

旭日啟瓊筵高堂增燕喜一葉正舒蓂三春始薦
鮪設帨榮笄珈稱觴集遐邇形管昭徽音考祥惟
視履井臼所時操禮法爲世軌子方槐市遊母也

柏舟矢秉鐸來西河苜蓿佐甘旨鸞鳳乃畢棲金
石寧遠毀眉壽近期頤孫曾復濟美相率謌且謐
爲母祝繁祉

雪中杏花

欲白仍紅掩映春封條旋雜雪花新晚風索共廻
檐笑比似寒梅亦可人

大廩

輕絮因風點點斜幾枝春色傍窓紗自來嬌怯
難勝雨今日翻成傲雪花

柴

花柳爭妍正冶春酣酣顏色太鮮新忽驚冰玉
更肌骨林下重教見美人

魏國正書巢

碎錦裁春已疋謗况經點綴雜霜葩拚來銀海
光搖處飽看蓬萊五色花

題魏西銘洗硯魚吞墨行看子三首用漁
洋山人題小長蘆圖韻

一曲堪棲隱寧須乞鑑湖呼童時洗硯清興滿菰
蘆

唼墨魚來淺渚消閒人向深郁試問添毫頰上風

流可似鬚孫

載酒誰能躡屐隨藕花香裏狎魚師
魏三詩句直瀟洒想見含毫落紙時

憫旱

天心眷仁善人事惡淫靡胡爲汾介間漸滅陶唐
遺戾氣所出兆聿釀爲歲饑龜坼嗟南畝蘿隆傷
東菑雖天實爲之無乃人事非吾聞神明宰下車
甘雨隨勿謂閭閻遠當思寬猛宜力田去其莠敦
俗防其漓悲哉仰屋氓賴以起傷痍

燕子

海國經春又一歸故巢那復記依稀三間老屋無
棲處只傍鳥衣巷口飛

春日過半壁山房途中次西郊韻

言尋愚谷叟還看杜陵花柳腳低春水山頭散曉
霞新詩別後少前路望中賒料得香醅熟寧須羨
麴車

原韻

大廩

三月行將盡餘春尙杏花苗新初過雨山迥遠
含霞老友相思切前村豈憚賒衝泥還拂曉携
手有同車

宿半壁山房口號

香燭鴨鑪冷心清蝶夢無宿醒慵未起窓外聽提壺

段屯歸途中次西郊韻兼寄帷園

出門喧野水歸路踏青莎近午柳陰轉沾衣花片
多同行况佳侶乘興復長哦回首伊人別愁心柰爾何

原韻

大廩

同來復同去白馬踏青莎春老桃花少日遲柳
蔭多接談忘遠道得句愛頻哦回首孤村在伊

人別奈何

送郭帝揚侍衛假滿入都

物色征行自不羣。真看劍氣動星文。前旌近指長安日。芳樹遙連闕闈雲。宿衛千官環北極。承恩三殿入南薰。時清且喜渾無事。好遣雙魚達彼汾。

題宣和畫譜十二首

千秋文物憶宣和。天水流傳小蠻多。太息繁華曾幾日。可堪回首弔芻鴟。

金粟難忘顧愷之。僧繇道子復爭馳丹青。未得君

王重閣外傳聞喚畫師

磅礴羣驚骨氣奇周

昉

張萱

鄭虔

阮籍

並堪師後

來誰出藩籬者獨有龍眠李伯時

任誕無如郭恕先線車引滿寫瓜鳶憑他世目紛

喧點不廢殘膏剩馥傳

妙畫胡瓌詎易通射鵠雙騎落驚鴻素綱記得堯

臣句更覺狼毫疏染工

漫從破壁驚神物鱗競橫飛巨浪重不是毗陵董

頤子更誰能爲葉公龍

小李將軍着色山輞川宗派數荆關憑誰藝死存

公道童貫還應姓字刪

縱橫粉墨劇風流玉跋金題記押頭萬里龍媒韓
幹馬一川烟草載嵩牛

憶得滕王粉本無刀光半致最清都阿誰入室稱
高弟寫出秋塘鷓鴣圖

老可皴斂最絕塵一時玉局亦傳神如何百代論
風雅不逮南遷舊黨人

青李來禽並擅長草蟲幽興落縹緲閒中標別凜
隋畫一幅猶存顧野王

瓊金書復擅風華幾樹冬青夕照斜至竟難消亡

國恨更誰宗法在官家

甲申仲夏半壁山房文謙以聞多素心人
樂與數晨夕爲韻得聞字

夏木交繁蔭鳴鳥求其羣吾徒差好事寧能諧俗
紛觸熱防祛穢臭味別猶薰素心共提挈樂與聯
屐裙入門踪禮數盍簪多所欣晝永楸枰響坐久
槐吹聞觀書茗屢啜懷人酒重醺是日田夫以事未與微言
柝疑義冲襟溢清氛興酣具毫素卓犖欽高文或
遺絃外音或揮鼻端斤惟我慙潦倒敢云張吾軍
夙尚在古誼願言附青雲少者宜遜志老而無倦

勤相期敦明德庶以垂芳芬

梁青鸞

三徑開竹林雅集羊求侶炎蒸頓覺消清風撲
眉宇閒窻蔭虬槐活火烹龍乳剪韭爲情親登
牀忘賓主高談漢魏詩頻揮王謝塵舊約尋新
盟詞源流學府我久仰風微何敢希步武遠從
壁上觀不禁心焉歎

文企泰望林

夙愛文字飲笑渠富兒聚諸公有同心招邀皆
雅素地勝喧囂無風清蒸鬱除老槐盪疎影好

烏紛歡呼雅度擬山王高懷抗厨顧嘔心一字
搜父手八聯賦形骸忘爾我交契畧新故佳肴
宴衆賓餘酌及諸御陶然滿座歡縱談有真趣
賤子慚駕材良驥許蠅附詎敢矜風騷逝當問
津渡雅音歸正始評品良非誤而何晚近來詩
壇幟亂樹爲體須別裁少陵言足據扶輪賴大
雅爲我導先路

題如蘭集四首用帷園韻

儻行憑教獵衆芳青鎧風雨對匡牀一編感舊心
猶在四海論交鬢已蒼左袒未容分李杜中興應

許屬錢郎年來更自多投贈莫惜琳琅貯錦囊
慢嗟老去卧墻東零落交情斷雁鴻展卷幾經銷
蠹蘭懷人聊復寄詩筒楊劉酬唱鹵崖體漢魏源
流正始風冰雪儂中成獨賞鍾錚惟許谷音同
硯北簾東引興長別裁風雅向紛紺綠堤紅舫聽
鶯地白草黃榆射虎場的有真詩推兩宋曾無勦
說畫三唐此生友誼頻回首幾許存亡付感傷
偃蹇何當伯樂遭微名詎意廁時豪持作亦忝比登是選比
逢東野應低首爲遇黃公愧伐毛只恐荷光難作
鏡漫言河廣不容刀從君他日論千古諷刺誰堪

續楚騷

原韻

柴

幾經孤館聽秋雨獨剪青燈憶對床
余選是集
講陵
時始海內交情餘白髮人間詩卷入行囊百年
畱眼垂清淚未路傷心哭老蒼把筆擬存終古
思由來蘭菊並芬芳

空憐臭味與蘭同老卧荒郊斷雁鴻魂返楓林
對梁月愁生渭北望汀東情深東筭書盈帙志
具斜行草一筒獨倚西涼頻點筆蕭騷松竹動
悲風

格律千秋幾擅場。別裁真僞重縹緲。
窮源直欲追蘋李。彙體何須別宋唐。
約取性情歸雅頌。嚴防哀樂涉淫傷。
文章聖代饒光焰。展卷驚看萬丈長。

南金東箭盡。賢豪偶擬題。襟紀所遭晝。壁詩名。
播燕市。石湖文宴記。吳舠林間逸響聞。蟬噪池
上清華愛。鳳毛敢效鍾囀。輕品鷗賦將。傷感付

風騷

題無喧廬二首爲帷園賦卽次其韻

解組真成謝。折腰幽居況復遠。
喧鳴暮磬晝。靜松

陰轉簾幕風微宇暖消好事從將奇字問高懷寧
待小山招閒窻春已多時去岑寂青林讀易朝
結廬人境景偏饒舍北溪南接葦蕭檐柳深藏鶯
語細庭蕉新坼雨聲驕茶鐺琴几從儼約酒頤書
銘對客謠試問廬山諸道併泉明社外可能招
世事真同覆鹿蕉幽人襟抱自翛翛縱橫墨瀋詩
盈軸狼藉花茵酒滿瓢流水不妨清境寂停雲詎
許素心遙羊求三徑還頻過揮麈無勞憶昨朝

句
日

前借西郊過訪
帷園主人信宿

原韻

柴

歲深蕭艾沒牆腰。新葺吾廬隔世。鄙人境可能。
車馬絕襟期。自覺俗塵消。熏爐棐几奇文析白。
酒黃雞。近局招辛苦。更培籬下菊。及時同泛約。
良朝

矮屋低牆致頗饒。古槐無恙竹蕭蕭。歸山夕鳥
情何逸。出岫間雲意自騎。一飽無營扶杖散半
酣餘興。歛襟謠此生。自守林鳩拙。開徑聊將二

仲招

難種黃花砌植蕉。野人風味本翛翛。最宜竹檻
安茶鼎。不厭風枝掛酒瓢。三季羲皇神可接。桃

源栗里路非遙祇須飲酒尋真意老卧南村醉

暮朝

黃有桓

蝴蝶栩栩鹿覆蕉幾人夢覺意翛翛嚴陵有志
甘垂釣箕穎無心自掛瓢五柳臨門居豈僻三
山在海望偏遙褰裳欲訪陶彭澤載酒何須待

詰朝

佑

五斗誰能更折腰田園歸去擬追陶幽居祇合
存松菊大隱何須定市朝真意憑君言外辨塵

襟容我此中消從今不復煩脂秣杖履時來慰

寂寥

大廩

寂聞門庭百慮消縹緲開帙永今朝家童淨掃
穿花徑侍女頻斟挹酒瓢似悔塵中曾誤落如
闇林下有佳招新詩點筆舒真意不碍忘言栗
里陶

國正

兀傲襟懷老更饒閒窓風物自蕭蕭不嫌中散
真成嬾人說元龍未是驕倚石支願雲外想撓

離父手醉中謠關心唯有連床雨歸徑時勞折
簡招

朱錦昌書

翠竹黃花間綠蕉最宜風韻在翛翛鄉迎飲酒
初扶杖詩重歸田別貯瓢十笏相方無廣狹一
廬自愛足超遙太行響徹輪蹄苦等是人間暮
與朝

酬田夫兩夜見懷二首

寂寞香篝掩敝幃深秋搖落益淒其那堪感舊懷
人日正是孤燈夜雨時愧我惟青滑岳鬚輸君最

白季常眉桑榆晚景須陶寫莫廢閒情近酒卮
意氣還堪缺唾壺漫將果腹羨侏儒難馴龍性思
中散獨扈江蘿憶左徒寒雨空階時落葉短檠逢
夜一操觚知君夙世應詞客結社東林記得無

原韻

佑

寒燈踈雨照無眠老去經秋轉自憐高會幾番
勞簡札同人近聯樂與吟數札數還余不能赴清宵孤館罷周旋素
心樂與違晨夕白髮愁添閱歲年獨恨江淹才
易盡澆疑參透達磨禪

數盡殘更輾轉餘隔窓風雨摠愁余邦慚女子

知名字每憶良朋悵索居業海浮沉空鹿鹿吟
壇彷彿羨魚魚生平結習消除未一笑燈前索
紙書

訪菊西村因贈主人以言

夙聞樓隱客忽漫此相尋花滿羅含宅家餘靖節
琴依人黃葉冷入座晚香深我亦謝時者空懷物
外心

寄呈晉源夫子長寧二首

初綰銅章愧壯遊飛鳬遙指古虔州晉祠故國三
千里贛石寒江尺五流比舍有時聞木客放衙無

事擁黃紬蕭閒不減山陰令
午夜讐書尙未休
炎洲雲物望中開八境
何人共舉杯玉局風流堪
獨步陸郎花木足低徊
三江水急浮官舫百戰城
荒弔刦灰惆悵河汾門下
士相思遙寄樽孤臺

同賦

柴

離筵相送赴虛溝雲樹蕭然兩度秋
竹馬羣迎謫已暮牛刀小試志差酬
隱囊几席閒開卷憑眺山川醉倚樓
應念春風翹首處眼穿雁字到

汾洲

佑

河橋風雪慘離筵忽報新除向遠天
贛石驚心灘十八行山回首路三千公餘應訪坡仙跡
衙靜知參馬祖禪嶺樹江雲時極目佛桑花底正安絃

大廩

尚書期會帝京遊憶得離筵互唱酬
判袂久踈魚腹札牽絲直到虎頭州雙流湏洞浮孤棹八
境岩堯豁遠眸酒聖詩豪能似舊南雲北樹不勝愁

青衫把袂憶同遊合讓先鞭出一頭市駿臺前
人叱馭落星灣外吏迎駙何妨椎髻皆兒女從
古名流半粵旣我亦簿書催就道終慚跛足附
驛驕

一笑山房同田夫西郊兩先生夜坐
白雁橫空夜氣淒騷人坐遍小軒西王名可冠楊
盧駱任筆能高晉宋齊四壁殘燈蟲語急一簾清
露月華低談詩更出奚囊句香茗頻傾共品題

次韻

柴

獨對霜階菊影淒羨他高會月淪西壇開五夜

詞鋒並勢擬三分鼎足齊尙有獵心馳左右空
餘夢境角高低衰年晨夕應難數慚誦新詩更
品題

佑

霜薄踰櫺夜正淒松枝相對月輪西遙天白雁
聲初斷近壁黃花影欲齊倦倚南窓腰未折欣
逢東野首應低邇來皮陸工訓和挑盡銀缸細
品題

大廩

遙夜清齋氣轉淒相思何碍路東西菊分月影

幽香滿樹帶風聲落葉齊豈但茶經窮色味却
從詞調審高低時茗獻共開本朝人詞選彦升自是吾家秀
慚愧非倫漫品題

白菊二首

幾點琅華壓短籬晚香消息故遲遲分明月落沉
秋歛彷彿風生裊鬢絲自信冰霜堪絕俗從他紅
艷獨爭時柴桑寂寞經千載又見松陵唱和詩
橘綠橙黃與不孤偏驚素色入寒蕪西風籬落香
應減老圃秋容澹欲無好著接罷同客賞難將沒
骨倩人圖相看比瘦關情處清酒還堪瀉玉壺

同賦

柴

素秋何物助清光白菊離離映草堂
艷色半開誰尚紫貞姿卓立漫推黃
烟籠曲徑寒迷影月焰疎籬暗度香
自是幽芳遠烟火年年風雨伴

重陽

佑

黃紫叢中露一枝淡妝斜裏傍東籬
經霜共厲松筠操冒雨尤矜冰雪姿
粉蝶暗尋香蘊藉銀蟾欲墮影迷離
一從抱朴傳丹訣服餌醫方總未遺

未遺

大廈

不是尋常籬下香，忍寒也欲試新妝。
稍遲定合爭梅潔，尙早何緣帶雪光。
最稱幽人居寂寥，難遮歸客徑。
荒涼浮盃無可方，清雅剩有飄蕭兩。

鬢霜

璠

獨向東籬倚澹妝，寒香端足殿羣芳。
鉛華已盡憐，跡雨晚節猶存傲。
肅霜色艷有人誇，紫袖格高無意遜。
黃裳西風相對空惆悵，把酒何妨累。

十觴

國正

獨殿羣芳占素秋太音元酒畧相伴飄蕭岸
幘霜初落蕩滌鉛華雨漸收幾朵烟籠增洒落
數枝月映失清幽松陵詩卷畱天地絕響何人繼

唱酬

魯習之學山

正堪把酒對東籬佳色經秋此最宜羞向風前
呈艷態別教霜後爍冰姿忘言畧識柴桑意高
唱如聞甫里詩最是夜闌人散好清光還共月

迷離

李培根 遂四

漫同紫艷繞堦墀淨洗鉛華燦素姿數點寒芳
秋寂寞一叢冷艷玉參差踪容伴月開斜徑瘦
骨和霜壓短籬讀罷松陵酬唱句幽居更自憶

天隨

懷古三首

介林

介公抱奇節棲隱誰能同畢命無少悔寧復歌蛇
龍咄彼狐趙輩乃竟貪天功我行邇忌坂懷古思
安第迄今綿上田猶爲頑懦風林深禁火餘祠古

寒烟空

有道阡

吾愛郭夫子人倫具洞識遜危有特主獎訓無少失傷心黨錮興殄瘁在邦國墊巾餘風微清名邁俊及憑弔悲荒阡墓道蔓榛棘千載中郎碑當之無愧色

潞八里

潞公誠異人番番代罕覲勳名被四夷晚節欽彌茂寓洛交鄧程當國侔韓富碩果羨耆英黨籍嗟元祐迄今光青史琅琅炳列宿綱懷桑與梓千秋

仰組豆

題閑雲老人畫石

誰將王宰意寄真一卷石對之欲忘餐想見南宮
癖

同賦

柴

怪石寫生絹蒼然太古色日夕看雲歸投杖欲
暫息

佑

何來丈人行離立中堂右妙墨寫閑雲如出囊

陽袖

大廩

一片石玲瓏驚看透瘦皴若令非畫圖予狂欲
攬走

國正

醉墨彷仇池峻崎挺瘦骨世無韓幹馬未許輕
相易

自半壁山房晚歸寄帷園

天時驚短至人事空囂煩破除一避之訪舊來荒

村相見輒傾倒爲我開清樽意氣欽北海領袖聯

陽元書巢在座昔賢共評騷新詩偕討論梅蠟破苔蓄

炭獸輝端燉霜柑壁厨娘糟蟹薦盤飧主人欲投
轄坐客寧留髡談諧路忘賒言別情彌敦况逢月
魄死已看夕景昏冬風呼老樹黃塵障高原衝寒
策羸馬侵黑闌蓬門

咏物二首 分賦

水仙花

畧注清泉絕點塵鮮芬微逗六錄新怯當窓雪侵
寒夜愁共盆梅試早春小立亭亭時顧影澹妝娘
娘倍宜人相看無限凌波意欲疊紅牋賦洛神漁洋

句

青果

紛紛青子正堪嘗
萬里江波憶肅霜
歐文忠公入中州萬里一來江波一落紅鹽愁忤俗幾回玉齒欲生香微甘
自分輸崖蜜嚴苦空教愧蔗漿柯榦應知有瓜葛
只今諷喻未能忘

香櫞

佑

檐角纍纍趁晚秋
新黃小摘愛清幽
霜封玉顆侵肌冷
露浥金粟濺齒流
最稱青筭陳座右
誰將綠線絡床頭
更傳五合畱香久
屬付重簾莫

上鉤

佛手柑

摻摻珍果錫名嘉碧椀紅檠映木瓜乍覩兜羅
疑結印合教迦葉笑拈花屆時釣十、拳仍握手
處麻姑肯可爬贋取餘香鏤作片團酥堪佐玉
泉茶荊州玉泉山出仙人茶見太白詩

蠟梅

大廩

東君消息尙遲遲已見枝頭綴蜜脾磬口微開
香馥郁宮粧巧點影迷離茅簷醉客初尋日林
下佳人小病時若遣寒葩同菊放散金能獨傲

東籬

冬筭

常抱凌雲一片心，倔強那畏雪霜侵。
衝寒釋籜駸駸解向日，初篁細細尋淇澳。
斲來簪比玉僧樓，燒處角勝金莫貪口腹充朝饌。
好待春風吹

作林

題帷園松鶴畫扇

誰寫長松付落暉，韋侯粉本尙依稀。
何年真向華陽隱，好伴能言老令威。

過友人邨居

追錄舊作

移家謝闌闌，蹤柳自成邨。
偶看山雲起，時聞水碓

喧探幽叟芒屨泥飲倒匏樽乘興携書卷還從靜
者論

容公詩集卷四

容公詩集卷五

綿上茹綸常文靜

槐黃集

旃蒙作噩

余棄去帖括業已入載晉昌薄肄山孝廉夙
工制藝時愆逋余因復稍稍爲之名場潦倒
馬足空忙而吟興亦減此真不暇唱渭城矣
命以槐黃用誌余愧

次韻酬薄肄山孝廉

又擬槐黃踏軟塵廿年空自感雕蟲未逢鰣雀徵
楊震且許笙歌侍馬融爨下詎憐焦尾好近門終

覺郢斤工他時雲路堪回首記取連床對阿同

山令弟亦

設帳吾邑

清明前一日卽事

釀寒風雨近清明香茗釵頭手自烹春因殢人無一事小憩閒聽賣鶴聲

次韻酬西郊

紫陌春風拂遠揚閒中歲月感堂堂無端花氣熏禪破更愛坡翁句子香

原韻

大廩

蝶蜂日午正悠揚一樹嬌紅媚草堂自點釵頭

睡初醒好風吹送杏花香

見西郊容姿春日卽事絕句愛其韻絕寄

題一首

佑

春色撩人藻思催龍標風致謫仙才何當共貰
旗亭酒賭取新聲畫壁來

又偶得一首

千尺游絲裏晝晴微風搖漾紙鳶輕隔簾花氣
茶初熟何處簫聲喚賣餠

題孟香亭蘆雁小景

雁寒秋老鎮模糊尺幅蕭疎寫荻蘆不用相從問

粉本已看筆意入倪迂

酬西郊對雨見懷二首

今雨誰相過。冥冥獨對時。
清齋涼似水。踈箔密於絲。
靜覺瑤琴潤。閒憑竹枕欹。
慚非杜陵叟。空許說催詩。

坐愛瀟瀟雨。吟君五字詩。
空堦飄夕吹。高館散涼颸。
滴漿漙懷人。候消沉入夢時。
應知匹錦在。未許乞邱遲。

原韻

大廩

正苦炎蒸日。剛逢靈雨時。
樹多聲易亂。花重勢

難支靜好開書帙涼翻換綸縑窓中舊山翠雲
外想參差

好在耽吟客廳爲喜雨詩研田新集潤筆陣本
離奇滴溜聽相續捲簾看最宜街頭泥滑滑各
自閉門時

感事呈西郊兼寄田夫

秋氣日蕭索一洗凡卉空惟菊抱晚節傲霜挺寒
叢柰何惜遲暮未能混窮通我方慚馮婦君復悲
塞翁借問王君公何如隱墻東

秋日訪蘭谷別墅不遇四首

我方城中來君復城中去入門閨無人秋聲在高
樹小憩坐南窓清風想元度

伊人胡不來獨步入蘿徑泉石清道心松菊慙幽
興誰言自怡悅不堪相持贈

題勉對寂寥依欄日亭午秋花遍槿籬落葉滿林
塢徙倚欲忘旋滄浪誦太古

況我厭囂塵顧茲觸遐想相見憎差池誰能負幽
賞寄言素心人抱琴待重訪

漫感

入世無過求乃動與俗忤出言慮見嗔纖口或兆

悔何如謝交遊蕭然掩蓬戶秋風滿故籬黃花正
寒嫣

向夕懷帷園

向夕坐南窓涼風動砧杵片月忽窺梁秋蟲自相
語嗟我懷良儔離索方觸緒誰適從之遊溯洄吾
其與

次韻

柴

涼風動蕭索蛩聲間隣杵斜月照踈林捲簾坐
無語延佇望城南雲物意悲楚乘興會披衣舍
子吾誰與

自嘲

子佛名經詎易登誰能變化學鯤鵬年來笑我頹
唐甚只合頭銜署酒丞

秋杪偕凝齋過說詩軒長歌示梁欣木

塞雁聲中過重九搖落已看遍林藪得閒言訪說
詩軒迤邐荒邱聯好友入門且喜絕塵囂數章老
栢千雲霄石欄小徑紛秋色綺室淨几明疏寮石
鑪松火雲腴熟與客須臾罷棋局久坐閒繙元晏
書盈樽滿泛淵明菊花香馥正撩人日斜尚未
歸城闈主人愛客兼好事法書名畫爲具陳蘆荻

蕭蕭橫踐浦林良蓮鷺愛奇古景炤好手今誰倫

畫鶉亦復競媚嫵孟津繹堂與香泉何須軒輊論

後前太原高士工古隸中郎三本聞家傳更探書

厨出談苑莆田名流有秘本余澹心有東山談苑二卷

君家先

子手此編跋示子孫虞虧損我覩斯語重躊躅前

輩志趣何其殊世人貽謀在金穴誰從故紙珍圖

書談詩昔讀綿上集謂綿上四山人集

文采風流惜早失

四人我獲交其二謂惟園田夫西郊三先生獨與先生未相識

茲來幸登君子堂摩杪遺物聊徜徉逸少之子復

不惡家學還看紹青箱我醉狂歌欲起舞贈言豈

必等訓詁君不見秋谷先生深山翁當思肯構繩其武

題過說詩軒詩後

佑

說詩軒下憤畱賓鄭重長謌劇慘神廿載梁園悲宿草不留青眼待斯人

題芝龕記二首

半壁西南一掌撐

嚴海珊明史雜咏秦總兵良玉詩西南半壁天孤擇一掌勁

寧南枉自說同名當時不乏勤王者誰似秦家白桺兵

匹馬橫戈慘陣雲木蘭猶憶故將軍祇今樂府流

傳在莫詫西河謾墓文

毛大可有故明將軍沈烈女雲英墓誌銘

讀長慶集戲成寄懷玉內兄

雞林聲價競元和底事青衫淚濕多偶憶鯉庭鸞

掖句風流還合讓沙哥

立春日招集諸同志率賦四絕句代簡

田夫

破除人事避喧囂折贈難逢驛使梅恰值臘殘春

又至一天風雪遲君來

西郊

霜雪偏驚歲月催春風又逐斗杓回山厨兼味惟

生菜取次需君共把杯

充齋

素梅花下記消寒庾韭周菘只菜盤三歲知君渾

見慣

君曾錦於余家春風依舊笑儒酸

凝齋

又是同雲釀雪天青絲纖手正相傳卽今座客兼

康樂

謂田夫

莫負招邀過酒邊

立春日招田夫西郊充齋凝齋小集言息

廬咏雪用歐陽公禁體物語韻

六出緯繡看朝萼入隙如徙紛飄薄木氣纔能通

北陸土牛忽已兆東作媒逋米券未破除喧鬪誰復耐廊廓折簡招邀集素心凌澌莫待初日鑠入

門一拂鬢與鬚春盤生菜傾鑿落地爐獸炭宜繡袍溫厚何須擁狐貉回飈還愁松竹枯撲窓旋疑

鷹隼攫阿誰好手摹虛空點綴芭蕉

摩詰有雪園中芭蕉

雪雀

黃荃有雪雀圖

人生貴賤貴適意貂蟬安必勝芒屨

袖言新詩謌且謳座無俗物顧而樂洞庭霜柑蒼

可擘蒙山貢茗香堪淪冥色須臾轉瞳曨浩灑恍

若臨廣漠白戰嚴令鬥歐蘇興酣直欲橫詩槊明

朝更約訪溪南驢背歸來恣吟噱

同作

佑

凌晨萬樹綴凍萼寒肌生粟敝裘薄柴門剝啄
故人招良辰勝事約共作衝寒披摯快臨眺放
眼乾坤莽寥廓陰凝思倩暖律吹輕飄未許洪
爐鑠簷松聲折蓋輪囷徑竹低垂壓籬落側聞
多士賦豳風近邑中試童子賦爲八子表獵心一躍思于貉
只愁狐兔埋深踪鷹狗何處施牽擾凌兢忽憶
灞橋蹇跕啾應念紇干雀定知北里有殘盃誰
憐東郭無完履世間苦樂難具論我曹吟苦情
偏樂紅奩佳茗堪解醒掃煮何妨手親淪千秋

賦手推鄒枚爭似歐蘇索宣漠當時白戰有嚴
規老筆縱橫勝矛槊漫矜郢曲屬和難巴里猶
堪博一噱

大廩

朝看樹樹開凍萼禦寒方嫌酒力薄高齋招客
成奇賞披氅可當朔風作飄搖萬點自輕明高
下一色何寥廓閉庭密密洒逾多氣嚴未便由
外鑠何人堅立晚忘休有大狂吠時驚落更思
出獵急裝人踏尋窟免乘邱貉快馬如龍不留
行應弦得獸何愁攫歸來肥肉炙熊羆底事窮

簷探鳥雀吾儕學劍既不能乘興寧辭粘履屢
把盞捲簾初不厭言詩讀畫差堪樂解酒漫說
香柑擘烹茶絕勝清泉淪約禁體物洵艱難積
可爲山轉冲漠歐蘇白戰真師生寸鉄不持敵
矛槊先賢故事今復續逐馬隨車語可噱

雪中凝齋素亭過訪小飲漫感兼懷西郊
空齋踢壁方高卧恰值衝泥二仲過落肩蕭颯檐
外急懷人清緒酒邊多五陵衣馬從騎快十載冰
霜足輶軻差喜討成能白戰興酣猶擊唾壺歌

相逢行

鴻飛南復北水流西復東但教此身在莫患不相
逢

人生感意氣世路憎窮通相逢無別語沽酒醉新
豐

題曉日雲采圖簡帷園田夫西郊

扶桑灼爍雲瀰漫放筆阿誰寫直幹苔蘚慘裂勢
龍窟鱗鬚何年冲霄漢就中如遇少陵詩屈鐵交
錯回高枝丹墨點點幽蔭拔地天矯青銅姿松
下迴迤得逸客謾謾長風落巾幘未須仙侶逢惺
佺疑向深山拾靈珀泰山日觀開鴻濛祖龍五株

畱秦封我生遊屐恨未到卧游一室將無同平時

好古若嗜炙斷楮殘縫不論價韋偃不作張璪死
得此摩挲生嘆詫卷窮赤印惜模糊底從遠溯崇

寧初

售者指爲馬遠筆

古人逝矣不易辨概以河中寧全

誣故交見者頗笑訕燕石重襲珠真贗我聞斯語

轉自矜不有仇池詎能換吾黨雅鑒誰絕倫符離

刺史

帷國偕王田夫任西

郊何時相視却寒具抱琴一訪

圖中人

守歲用東坡韻

或同過隙駒更若徒澤蛇彼逾衆足行我止一堂

遮爲憐兒女輩相守意如何爆竹還強聒賣寢更
徒譁誰繫參與斗不使及晨搊飛騰看暮景觸忤
坐燭斜回憶童稚日倏忽成蹉跎對酒歌慷慨得
句寧堪誇

容亾詩集卷五